

盛京典制備考

卷一

710.4
996
/



光緒二十五年仲春刊

盛京典制備考

上海雙順泰藏板
翻印

序

粵稽往籍典謨聿著勲勤緬溯成周官禮特詳制作蓋體
天出治受命造邦罔不締構艱難經營劼毖遠九功叙百
度貞率土觀成羣情向化舉凡條教政令布在方策賢者
識之而奔世奉為法守自古然也我

朝自

太祖

太宗乘乾出震

聖聖相承膺

景命於瀋陽運

門
卷
436



神謨於遼左

經綸不煥

疆宇宏開

啓祚

發祥

肇基

建極山川效鍾毓之靈黎庶享豐盈之樂逮

世祖定鼎

京都奄有九夏

聲教布於寰海

恩威被於藩服廼以

盛京為

留都

欽命大臣鎮守置各部侍郎及府尹率屬治事視周之邠岐漢之

豐沛為尤重焉光緒二年冬崇厚奉 詔致政人董信獻神

命權篆下車伊始庶務殷繁深恐掌故未諳致形叢脞適崇協

領善以手錄特忍菴將軍前任兵司時記載一編呈閱甚

獲益焉蓋是編於疆域城池指畫其繪畵官紳兵備農田

宮殿

壇

廟

山陵暨

殿閣所尊藏檔庫所恭儲莫不詳備其餘如官職兵制農田水利邊疆驛站之大佃漁畜牧之微皆條分類聚粲若列星洵可為文獻之徵有裨政治非淺鮮也惟歲久傳寫頗有訛漏且政貴因時沿革即有不同迺延友人釐訂增輯而編次之並錄先兄文勤公奏議數篇及崇厚偕岐司農元恩京兆福會議奏疏附於簡末蓋先兄在任時於定東邊肅吏治整練軍靖盜源諸大端皆竭誠殫慮懇切敷陳上蒙

恩允量予變通創辦一切事尚未竟今幸邊務甫定而崇厚奉命內召適是編告成爰書其梗概於簡端留以為攷證者之一

助云

光緒四年歲次戊寅季夏

太子少保頭品頂戴署理

盛京將軍兼管兵刑兩部總督奉天等處地方軍務兼理糧餉吏部左侍郎崇厚謹敘

盛京典制備考總目錄

卷一

輿圖

疆域

城池

宮殿

壇廟

太廟

山陵

附職官兵役

殿閣尊藏

將軍檔庫恭儲

卷二

廟寺

祀祠

卷三

宗室覺羅事宜

內務府事宜

卷四

將軍署分司

卷五

恩賞庫事宜

督捕步營二司事宜

馬政處事宜

牧羣司事宜

圍場處事宜

捐輸局事宜

官棧局事宜

卷六

五部職官公署事宜

卷七

額設駐劄鎮守

各城旗駐防

將軍管轄各邊

奉天職官

練軍弁兵數目

客軍弁兵數目

各城捕盜營弁兵數目

審理詞訟

旗界官廻避本城

緝捕章程

鹽捐章程

昌圖職官改升增設並學額兵數章程

東邊外開墾升科設官事宜

卷八

奏議摺片

上諭一道

盛京典制備考卷一目錄

輿圖 附考

疆域

城池

盛京城
典京城

東京城
附錄通志三城考

宮殿

大政殿
大內宮闕

壇廟

天壇
地壇

禮稷壇

風雲雷雨壇

先農壇 藉田

堂子

太廟

山陵

永陵

錄通志規制考

福陵

錄通志規制考

昭陵

錄通志規制考

三陵職官兵役

奏請官俸按照八成實銀支放摺

禮部主事張元益恭勘

永陵龍脈設立封堆說帖

殿閣尊藏

供奉

聖容

尊藏

御寶

恭錄

御製寶譜記

尊藏

冊寶

尊藏

玉牒

實錄

聖訓

珍藏書籍

將軍署檔庫恭儲

諭旨
宸翰


諸圖
碑文
書籍
則例

卷一

二

八

盛京全圖



盛京典制備考根書

圖

此板從新翻刻

祀

日

月

江



盛京歷代郡縣建置考

盛京方域東接長白山南竟海西至山海關北及蒙古

達爾罕王諸旗遊牧地東西一千七八百里南北一

千三四百里地大物博泉甘土肥所謂宇宙之奧區

靈秀之所鍾毓也在唐堯時為青州冀州之域舜分

冀州東北為幽州即今遼河以西地分青州東北為

營州即今遼河以東地按今金州西渡山東之界僅海程數百里故前明遼東科

舉附於山東國初時山東萊州府尚有復州金州二衛學係遼人寄籍雍正五年裁禹仍堯

舊湯仍舜舊在周為幽州周官職方氏東北曰幽州

其山鎮曰醫巫閭為箕子封國稷慎慎即肅濊陌良夷

諸國皆屬焉戰國屬燕秦伐燕燕王喜走保遼東

之名始此始皇既滅燕遣蒙恬築長城擊走東夷以其地

置遼東西郡漢初仍秦置為燕王盧縮封地後縮亡

入匈奴地為衛滿所畧至衛滿孫右渠武帝遣將討

滅之置樂浪元菟真番臨屯四郡昭帝時省真番臨

屯併入樂浪元菟漢末公孫度據有遼東傳孫淵司

馬懿討平之分遼東昌黎元菟帶方樂浪為平州晉

世高句麗畧有遼東百濟畧有遼西後平二郡改為

遼東國其昌黎四郡隸平州如故東晉時慕容廆為

平州刺史旋有永嘉之亂遂為廆所據立冀陽成周

營邱唐國諸郡子皝又立西樂郡北魏置平州領遼

西置營州領遼東歷北齊北周遼東各郡漸為高麗

奚部所侵隋開皇三年討破高寶甯於黃龍置營州

大業三年復置遼西郡唐太宗征高麗得蓋牟城置

蓋州得遼陽城置遼州得白崖城置巖州五代後唐

明宗時契丹陷平州又陷營州自是地入於遼在遼

為東京道遼陽府中京道大定府地在金為東京路

遼陽府北京路大定廣甯府地在元為遼陽廣甯大

甯瀋陽開原諸路地明洪武四年置定遼都衛六年

置遼陽府縣十年因元遼陽路置定遼中衛左衛右

卷首
四
衛東甯衛海州衛蓋州衛復州衛金州衛因元廣甯路置廣甯中衛前衛後衛因元大甯路置廣甯中屯衛前屯衛後屯衛左屯衛右屯衛甯遠衛義州衛因元瀋陽路置瀋陽中衛左衛右衛瀋陽中屯衛鐵嶺衛因元開原路置三萬衛遼海衛改定遼都衛爲遼東都指揮使司統領諸衛而府縣遂廢永樂間復置自在安樂二州隸山東道蓋自唐虞以迄元明其建置有不同亦幅幘有攸殊也我

太祖肇基

興京天命十年增修瀋陽城建爲

盛京迨

太宗有杏山松山之捷撫有全遼

世祖定鼎

燕京奄有九夏遂以

盛京爲

留都順治元年悉裁諸衛設內大臣副都統及各旗駐防鎮守之十年以遼陽爲府置遼陽海城兩縣十四年省遼陽府以瀋陽爲奉天府置府尹康熙三年於故廣甯衛地設廣甯府領廣甯縣錦縣甯遠州四年改廣甯府爲錦州府移治錦縣是年奉天府添設承

德蓋平開原鐵嶺四縣改遼陽縣為州十二年於故

復州衛地設復州於故金州衛地設寧海縣後仍改為金州

於錦州府增設義州乾隆三十七年於奉天府增設

岫巖州嘉慶十二年增設新民廳十八年增設昌圖

廳光緒二年置鳳凰直隸廳增設安東縣三年增設

寬甸縣分岫巖州均隸鳳凰廳是年升

興京理事通判為撫民同知增設懷仁通化二縣隸焉

又升昌圖廳為府增設奉化懷德二縣隸焉奉天府

府尹行巡撫事通省府廳州縣均歸統轄奉天府自

領廳二曰金州曰新民州二曰遼陽曰復州縣五曰

承德附郭曰海城曰蓋平曰鐵嶺曰開原錦州府所屬

州二曰甯遠曰義州縣二曰錦縣附郭曰廣甯昌圖府

所屬縣二曰奉化曰懷德

興京撫民同知所屬縣二曰通化曰懷仁鳳凰廳所屬

州一曰岫巖縣二曰安東曰寬甸

盛京典制備考卷一

疆域

盛京城距

京師一千五百里

東至朝鮮國靉陽江界一千三百餘里

西至山海關八百餘里

南至大海七百三十餘里

北至吉林界三四百里不等

城池

附外郭水柵內池鐘鼓樓

盛京城天聰五年因金遼瀋州舊治拓其制改築高三丈五尺厚一丈八尺女牆高七尺五寸週圍九里三百三十一步堞口六百五十有一城門八門樓如之角樓四東二門左曰撫近右曰內治南二門左曰德盛右曰天佑西二門左曰懷遠右曰外攘北二門左曰地載右曰福勝

每門原設大磚一位

池 寬十四丈五尺週圍十里二百零四步

郭 康熙十九年增築高七尺五寸週圍三十二里四十八步亦設八門

水柵 外郭東南隅原建水柵二座各寬十餘丈

水分出焉按小潘水俗名五里河自東關觀音閣東泉水發源由二水柵分流

郭出

內池 城內有池七十二土人名曰泡子夏秋雨潦

歸之水不外洩而無泛溢之虞城內藉其蓄

蓄為不時之備云

鐘鼓樓 鐘樓一在福勝門內大街 鼓樓一在地

載門內大街

興京城在遼人時為潘州地明初建州衛於此我

太祖高皇帝發祥之地天命元年以為都城距

盛京城二百七十里其城週五里南一門東二門北一

門外城週九里南三門北三門東二門西二門

太宗文皇帝天聰八年改稱

興京乾隆二十八年以錦州理事通判改駐與熊岳通

判所轄之哨子河分界管轄光緒元年添設副都統

一員守護

陵寢四年改通判為撫民同知移駐新兵堡

東京城

太祖高皇帝天命六年築在太子河東距遼陽州城八里其

城週六里零十步高三丈五尺東西廣二百八十丈

南北袤二百六十二丈五尺城門八東左曰迎陽右

曰韶陽南左曰龍源右曰大順西左曰大遼右曰顯

德北左曰懷遠右曰安遠天命十年遷都

盛京遂於

東京設城守章京康熙二十年城守改駐金州城內

海縣

宮殿與城同時建遷都後令管理驛站官守護

謹案通志載述附錄
盛京城為

廟壇

宮殿所在謹先志之以明
皇業之有本也至

發祥初基
興京城為

東京城雖
國初暫建然
伊始肇域自東遂奄九有允宜緬述以昭

創業
景運

盛京城本遼金藩州治元為瀋陽路總管府治明為瀋
陽衛洪武二十一年指揮閔忠因舊址築門四週圍
九里三十步高二丈五尺池二重內濶三丈深八尺
週圍一十里三十步外濶三丈深八尺週圍一十一

太祖高皇帝天命三年城介藩六年城薩爾滸又城
里奇我

東京城天命十年遷瀋陽天聰五年因舊城增拓其制改
築焉八年更名曰

盛京順治元年遷都
京師監往代留都之制設官鎮守康熙十九年奉

旨築關牆即外郭

興京城在遼金時為瀋州地明初置建州衛於此我

太祖高皇帝發祥之地距
盛京城東微南二百七十里

太祖高皇帝癸卯年改建內城已巳年乃增築外城

太宗文皇帝天聰八年改稱

興京

東京城我

太祖高皇帝創業之初築城於此一以經畫甯錦一以控制

瀋遼

聖謨深遠制勝有方與周頌所云天作高山太王康之有同

軌焉

宮殿

大政殿崇德二年建在城中央南向殿制八隅左右列

署十音樂亭二其殿前左右二署為左右翼王大臣

議政所其次東四署為鑲黃正白鑲白正藍四旗官

員朝集所西四署為正黃正紅鑲紅鑲藍四旗官員

朝集所自順治元年定都

京師奉天府文武各官每月初五二十五等日恭詣朝

集凡年節

萬壽各官恭詣行禮如制

殿後為

鑾駕函簿庫

卷一

六

三

大內宮闕

崇德二年建在

大政殿之西正門曰

大清門

東西設奏樂亭
東西司房東西朝房
迤西為內務府堂
正南照壁一座

南

左闕門曰文德坊

右闕門曰武功坊

大清門內正中為

崇政殿

本名曰

篤恭殿

乾隆十三年設左右翊門
殿前東為

飛龍閣閣後直房七楹井亭一座殿西為

卷一

七

翔鳳閣閣後直房七楹房南轉角九楹偏厦三楹殿後

正中為

鳳凰樓樓前東為

師善齋

日華樓西為

協中齋

霞綺樓

鳳凰樓後正中曰

清甯宮宮後東西配房各三楹宮之東曰

衍慶宮

關雎宮西曰

永福宮

麟趾宮

清甯宮之東院為

敬典閣前為

介祉宮又前

頤和宮

清甯宮之西院為

崇謨閣前為

繼思齋又前

保極宮又前

迪光殿 殿西院為

文溯閣閣後為

仰熙齋閣前為

嘉蔭堂

壇廟

天壇

德盛門外

地壇

撫近門閤外

社稷壇

天佑門閤外

風雲雷雨壇

天佑門閤內

先農壇

德盛門外

藉田

壇前

堂子

內治門外

國初祀

天神之所

太廟

初建在撫近門外尊祀

列祖神御崇德元年始定儀制乾隆四十三年

移建於

大清門之東

山陵

永陵山曰

啟運山在

興京城西北十里省城東二百六十里奉安

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后

均於

啟運殿恭奉

神位

寶頂台階下左側葬

武功郡王諱禮敦巴圖魯次左葬

恪功貝勒諱塔察偏古

殿前碑四通護以亭

欽定盛京通志載 恭查乾隆四十三年

三陵規制

永陵 啟運山在興京城西北十里初

肇祖原皇帝

原皇后 興祖直皇帝 直皇后之陵共一山稱

興京陵

景祖翼皇帝

翼皇后 顯祖宣皇帝 宣皇后之陵共一山稱

東京陵在奉天府城東二百五十里順治五年十一月

南郊始追上 列祖尊號八年封

興京陵

啓運山

積慶山均從祀

方澤十三年於陵山週圍立界址界內禁止採樵十五年奉移

東陵

興京罷積慶山祀典十六年尊為永陵十八年立遷祔

永陵廟碑

寶頂上有瑞榆一株輪困盤鬱圓覆城隅乾隆四十三年御製神樹賦勒石西配殿

福陵山曰

天柱山在省城東二十里奉安

太祖高皇帝

孝慈高皇后

隆恩殿恭奉

神位殿前

聖德神功碑一通護以亭

壽康太妃園寢在右

園內附葬和母

安布福晉

綽奇德

天柱山在奉天府城東北二十里

欽定盛京通志載 恭查乾隆四十三年

三陵規制 福陵在奉天府城東北二十里順治八年封山曰

天柱山從祀 方澤

昭陵山曰

隆業山在省城西北十里奉安

太宗文皇帝

孝端文皇后

隆恩殿恭奉

神位殿前立

聖德神功碑護以亭

懿靖太貴妃園寢在右

園內附葬
等九位

康惠淑妃及格格

太宗文皇帝

劉業山在奉天府西北十里

昭陵山曰

欽定盛京通志載 恭查乾隆四十三年

三陵規制

昭陵在奉天府城西北十里順治八年封山曰

隆業山從祀

方澤

三陵額設職官兵役

盛京將軍總理

凡總管專管巡查

陵山樹木河道俱係京缺五年報滿更換其餘官員俱係駐

防缺

凡掌關防官專管內殿陳設做辦祭物

凡四品官專管千丁夫役芟刈外園荒草燒造甄瓦

備辦灰勛以供歲修

永陵額設總管一員

翼長二員

八旗滿洲防禦十六員

筆帖式二員

領催四名

馬兵一百八十五名內有國戚

舅氏之子孫兵至十八歲者作為馬兵隨歲增添未及百名

章京品級三員由國戚舅姨子孫兵內挑放

掌關防官一員

副關防官二員內管領尚膳正兼理

內管領一員

副內管領一員

尚膳正一員

尚膳副一員

尚茶副一員

筆帖式二員

尚膳人八名

尚香人四名

拜唐阿十二名

擺桌人八名

廚役十二名

院戶領催壯丁四十名

四品官一員

外郎二員

領催八名

四品官所屬俱盛京工部管轄

各項匠役十三名

牛羊館管達二員

餒牛羊壯丁二十名

福陵總管一員

翼長二員

八旗滿洲防禦十六員

筆帖式二員

世襲雲騎尉六員

世襲六品官一員

世襲七品官五員

世襲八品官四員

領催四名

馬兵七十六名

章京品級六十五員

由國戚舅姨子孫兵內挑放

舅姨子孫兵一百名

掌關防官一員

副關防官二員

內管領茶膳正兼理

內管領一員

副內管領一員

尚膳正一員

尚膳副一員

尚茶正一員

尚茶副一員

筆帖式二員

尚膳人八名

尚茶人六名

尚香人六名

拜唐阿十五名

擺桌人八名

院戶領催壯丁二十名

各項匠役二十三名

太妃園寢首領二員

由兵挑放

兵十八名

四品官一員

漢軍襲缺

外郎二員

領催八名

昭陵總管一員

翼長二員

八旗滿洲防禦十六員

筆帖式二員

世襲頭等侍衛兼輕車都尉一員

世襲頭等侍衛兼騎都尉一員

世襲雲騎尉四員

世襲六品官七員

領催四名

馬兵七十六名

章京品級二十員

由國戚舅姨子孫兵內挑放

舅姨子孫兵一百名

掌關防官一員

副關防官二員

內管領茶膳正世襲

侍衛內
兼理

內管領一員

副內管領一員

尚膳正一員

尚膳副一員

尚茶正一員

尚茶副一員

筆帖式二員

尚膳人十名

尚茶人八名

尚香人六名

拜唐阿三十四名

院戶領催壯丁二十一
名

各項匠役六十五名

貴妃園寢首領二員

由兵挑放

兵十九名

四品官一員

漢軍佐領公缺
加支俸米一百零五斛

外郎二員

領催八名

以上三處凡總管俱三品俸隨缺地各八十日

翼長俱四品俸隨缺地各六十日

防禦俱五品俸隨缺地各四十日

筆帖式隨品級俸糧隨缺地各三十日

章京品級同食二兩餉隨缺地各二十五日

舅姨子孫兵同食二兩餉隨缺地各十五日

領催隨缺地各十日

馬兵隨缺地各十日

掌關防官同四品俸歲支俸米一百零五斛隨缺地

各六十日

副關防官歲支俸米各八十斛

內管領同五品俸銀八十兩米八十斛隨缺地各四十日

茶膳正俱五品俸不支米隨缺地各四十日

副內管領及茶膳副俱食二兩餉隨缺地各三十日

茶膳人及香燈人俱食二兩餉隨缺地各十五日

拜唐阿食二兩餉者有隨缺地十五日十日不等食

五錢餉者隨缺地各十日

匠役食五錢餉者 厨役支領米鹽者 院戶支領

布綿者三項各有缺分定數

園寢二處首領由兵挑放食原餉原隨缺地

外郎俱食二兩餉領米三十斛二斗隨缺地各二十

日

領催俱食二兩餉

奏請

三陵官俸按照八成實銀支放摺光緒元年十一月署將軍刑部尚書崇實具奏

奏為守護

三陵文武官俸不敷應差謹援案懇

恩改放八成實銀以示體恤恭摺奏祈聖鑒事竊奴才接據

三陵總管關防等官聯銜稟稱職等均係貧苦之員別無恒

東西兩陵官俸改放八成實銀等因奴才當查

三陵衙門未准戶部咨行改放

東西兩陵官俸八成實銀之案旋經咨查馬蘭等鎮去後茲

東西兩陵官俸改放八成實銀係於同治元年十二月初二

旨依議欽此奴才伏查守護

三陵官員巡山值班內外稽查差務殷繁該員等向例除領

俸銀外別無他項進款現在所領五成實銀非但不

卷一
三

敷養贍即以之應差尙覺艱窘異常目擊情形殊堪
矜憫且

東西兩陵官俸業經部議改放八成實銀

三陵各官事同一律現在仍領五成實銀未免向隅雖刻下
庫款尙未充裕惟查

三陵額設文武各官員數無多即使量加調劑所費亦不堪
鉅合無仰懇

天恩俯念該員等現領五成俸銀實屬不敷應差可否援
照

東西兩陵成案自明年春季為始改放八成實銀以示體恤

逾格鴻慈所有奴才援案請放官俸八成實銀緣由是否
有當理合恭摺具奏伏乞

皇太后

皇上聖鑒訓示遵行謹
奏奉

旨戶部議奏欽此於光緒二年二月二十一日經戶部議
准奉

旨依議欽此

附錄同治八年

欽派禮部主事張元益恭勘

永陵龍脈設立封堆說帖

永陵旺清邊外風水禁地應行封禁之處敬謹依定

永陵啟運山後正嶺逐細上溯查勘先附

龍脈之左而行西北至

總嶺
新開嶺東繞為
盤嶺東南繞至

平嶺由此過嶺附
龍脈之右而行南轉為文子壕東折為水晶宮等處正東

為
東南岔嶺以上諸嶺嶺右諸水俱入渾河嶺左諸水俱

龍脈之左而行山勢北轉又繞而東南為

金廠嶺嶺南即屬邊界山勢至此跌斷過脈左右兩水

分流嶺左諸水俱會為夫爾江南流過旺清門會輝
江入南海嶺右諸水俱會為伊統河東北會輝發河
等水入東海因即謹擬

金廠嶺為西界封禁第一處

登高審視見東南峯巒層疊密林叢翳詢及土人僉

龍脈之右而行東北至舞鳳樓出邊棄車乘馬取道深林

帽隘山中逐步履勘曰行不過二三十里東南繞至

太平嶺俗名雅巴嶺八里峯下河水環流中有黑石名

為黑石溝因謹擬為封禁第二處

從此復入深林尋路前進交枝牽衣倒木橫地崎嶇

雙鳥道入馬時虞撲跌行至

十餘里謹擬為封禁第三處

過此東行僉云附嶺右界實無路可通乃由六里之

龍脈左界附近護山因謹擬為封禁第四處

仍依左界沿喇咕河前行約四十里至

龍脈正嶺相距八里謹擬為封禁第五處

由此東行又繞山而北登

清嶺上有三小石廟謹擬為封禁第六處

由此北行過嶺八里至

北坡口門西北距雙山四十里皆屬右界一帶林木

深茂眾山環峙如拱謹擬為封禁第七處

由此南旋仍登清嶺步嶺東行至八里邯鄲坡

高嶺下西北距北坡口門十餘里西南距小荒溝門十

餘里再四週歷審度見東來脈氣至此停頓局勢宏

敞左右護山輔而西行備極周密萬世

帝業胥基諸此因擬為封禁第八處東界封禁即謹擬自

此畫始焉

龍脈漸遠至旺清門復履夫爾江界沿邊北查至金廠嶺

南逐細詳視其三道溝內

邊條子溝為夫爾江發源之所東北距太平嶺五六里

東南距八里河四十里其間山勢盤曲迴環拱衛允

宜列為左屏謹擬為封禁第九處

除已謹擬封禁標記外自西界至東界足力所不能

龍脈到目力所未能周之處凡左右附近護山隨山之曲折五六里八九里不等均關
山向統擬一律封禁以清界限而臻完備合計週圍封禁山界約二百數十餘里謹具說呈

殿閣尊藏

鳳凰樓三間上層設金龍櫃十五頂上設頂箱供奉

太祖高皇帝聖容

太宗文皇帝聖容

世祖章皇帝聖容

聖祖仁皇帝聖容

世宗憲皇帝聖容

高宗純皇帝聖容

仁宗睿皇帝聖容

宣宗成皇帝聖容

中層

文宗顯皇帝聖容

中層

又供奉

高宗純皇帝行樂圖十三分

熏貂冠皮鑲邊朝服圖

御盛甲乘馬圖

清涼冠袷朝服圖

萬國朝賀圖

元宵行樂圖

春原閱駿圖

古制衣冠圖

觀月行樂圖

遊戲黃庭手卷

歲朝行樂圖

威弧獲鹿手卷

御容玻璃掛屏

圓光行樂圖

仁宗睿皇帝春苑展書行樂圖

宣宗成皇帝行樂圖

中層

鳳凰樓中層設金龍櫃十五頂尊藏寶十顆謹按

乾隆十一年奉

旨將

國初行用十寶賚送

盛京尊藏樓之中層其寶文曰

大清受命之寶

滿漢篆文

碧玉方四寸八分厚一寸九分麒麟紐高二寸四分

皇帝之寶

滿漢篆文

青玉方四寸八分厚一寸五分交龍紐高二寸七分

皇帝之寶

滿漢篆文

碧玉方五寸厚一寸八分盤龍紐高三寸

皇帝之寶

滿篆文

栴檀香木方三寸八分厚六分素紐高五分

奉天之寶 滿篆文

金方三寸七分厚九分

天子之寶 滿篆文

交龍紐高二寸

奉天法祖親賢愛民 滿漢篆文

碧玉方四寸九分厚一寸五分

制誥之寶 漢篆文

青玉方四寸七分厚二寸

敕命之寶 滿漢篆文

青玉方三寸七分厚一寸八分

廣運之寶 漢篆文

交龍紐高二寸五分

乾隆十一年奉

寶十顆鑄

御製寶譜記 遵通志恭錄

乾隆十一年春閱文泰殿所藏諸寶既詳定位置為文記之其應別儲者分別收儲其文或復見及

國初行用者為數凡十雖不同於現用諸寶而未可與古玩

並列因念盛京為國家發祥之地

祖宗神爽寶所式憑朕既重繕

列祖寶錄尊藏鳳凰樓上觀揚

光烈傳示無疆想當

開天之始疑受

帝命寶符煥發六服承式璠璵孚尹

卷一

三

卷一

三

四

手澤存焉記不云乎陳其宗器圭璧琬琰陳之西序崇世守也

爰奉此十寶賚送盛京鐫而藏之而著其緣起如此

乾隆十一年歲在丙寅孟春日御製

謹案通志述

太宗文

皇帝實錄載天聰九年八月庚辰出師和碩墨爾根戴青貝勒多爾袞貝勒岳託薩哈廉豪格等征察哈爾國獲歷代傳國玉璽先是相傳茲璽藏於元朝大內至順帝為明洪武帝所敗遂棄都城攜璽逃至沙漠後崩於應昌府璽遂遺失越二百餘年有牧羊於山崗下者見一羊三日不啣草但以蹄跑地收者發之此璽乃見既而歸於元後裔博碩克圖罕後博碩克圖為察哈爾林丹罕所侵國破璽復歸於林丹罕林丹罕亦元裔也貝勒多爾袞等聞璽在蘇泰太后福金所索之既得視其文乃漢篆制誥之寶四字璠璣為質交龍為紐光氣煥爛洵至寶也多爾袞等喜甚曰

皇上洪福非常

天錫至寶此一統萬年之瑞也因具疏以

聞癸未文館甲喇章京鮑承先奏言

皇上聖德如天仁政旁達苞符協應大寶呈祥

天賜玉璽乃非常之吉兆也當勅工部製造寶函諷擇吉日

躬率諸臣郊迎由南門入宮以膺

天眷而昭符瑞仍以得璽之由書於勅諭鈔用此寶頒行滿

漢蒙古俾遠近聞知咸識

天命之攸歸也

上從之敬識得璽之由垂示萬世永永無極云

冊寶

乾隆四十五年六月奉

旨

太廟尊藏

冊寶應選和闐良玉另鑄一律以彰

符命所有

太廟原藏

冊寶十六分恭送

盛京

太廟尊藏四十八年

特命

皇子親王賚送

盛京

太廟敬謹尊藏

太祖高皇帝尊諡玉册玉寶

孝慈高皇后尊諡玉册玉寶

太宗文皇帝尊諡玉册玉寶

孝端文皇后尊諡玉册玉寶

孝莊文皇后尊諡玉册玉寶

世祖章皇帝尊諡玉册玉寶

孝惠章皇后尊諡玉册玉寶

孝康章皇后尊諡玉册玉寶

聖祖仁皇帝尊諡玉册玉寶

孝誠仁皇后尊諡玉册玉寶

孝昭仁皇后尊諡玉册玉寶

孝懿仁皇后尊諡玉册玉寶

孝恭仁皇后尊諡玉册玉寶

世宗憲皇帝尊諡玉册玉寶

孝敬憲皇后尊諡玉册玉寶

孝聖憲皇后尊諡玉册玉寶

嘉慶元年以後歷屆送到尊藏

高宗純皇帝尊諡玉冊玉寶

孝賢純皇后尊諡玉冊玉寶

孝儀純皇后尊諡玉冊玉寶

仁宗睿皇帝尊諡玉冊玉寶

孝淑睿皇后尊諡玉冊玉寶

孝和睿皇后尊諡玉冊玉寶

宣宗成皇帝尊諡玉冊玉寶

孝穆成皇后尊諡玉冊玉寶

孝慎成皇后尊諡玉冊玉寶

孝全成皇后尊諡玉冊玉寶

孝靜成皇后尊諡玉冊玉寶

文宗顯皇帝尊諡玉冊玉寶

孝德顯皇后尊諡玉冊玉寶

敬典閣三間上層設金龍櫃二十二頂尊藏

玉牒

崇謨閣三間上層設金龍櫃二十二頂尊藏

寶錄

聖訓

老檔冊

舊檔案

寶錄圖

文溯閣六間三層珍藏書籍

經部 共一千五百六十八函內有古今圖書集成

史部 共一千五百八十四函

子部 共三千六百函

每年由

盛京工部領取潮腦六十六斤野雞尾摺八把短把
雞毛摺八把隔一年糊飾窻扇一次由該部派員
攜帶紙張辦理

崇禎二年問土風類金譜賦二十二頁會藻

崇禎二年問土風類金譜賦二十二頁會藻

將軍衙門檔庫恭儲

順治十年奉到

聖旨一道

取圍場貢品

雍正元年奉到

上諭滿漢十一冊

誦諭總督以下官員

乾隆八年奉到

御書匾額

屏翰邠豐四字恭懸公署大堂

乾隆四十四年奉到

皇輿全圖

一百零三篇

回疆一帶得勝圖

三十四篇

乾隆四十八年奉到

上諭一道 諭清寧宮樣子等項不准擅動令阿哥知悉

乾隆五十一年奉到

金州戰圖 十六篇

盛京全圖 二軸

柳河溝碑文 一分

乾隆五十五年奉到

上諭一道 教誡內外大小臣工

又奉到

台灣戰圖 十二篇

安南國戰圖 六篇

墨刻三分 上元燈詞冊識語墨刻一卷 福康安大
剿逆苗墨刻一卷 和林剿捕秀山苗墨

刻一卷

嘉慶五六年奉到

台灣戰圖 十二篇

廓尔哈戰圖 八篇八摺

安南國戰圖 六篇六摺

御製河決歎墨刻一卷

嘉慶七年奉到

御製邪教說一卷

嘉慶十年奉到

雲貴戰圖一分

四篇

湖南戰圖一分

十六篇

嘉慶十三年奉到

御製清字木蘭記墨刻一分

御製明慎用刑說一分

嘉慶十四年奉到

上諭一冊

告誡督撫以下官員

御製宗室訓墨刻一卷

御製八旗箴墨刻一卷

普陀宗乘之廟瞻禮紀事墨刻一分

嘉慶十六年奉到

訓諭八旗簡明語墨刻二卷

欽定辛酉工賑紀事二卷

嘉慶十九年奉到

高宗純皇帝八旬萬壽盛典四部

嘉慶二十年奉到

御製將軍箴

道光九年奉到

御製北鎮廟橫披一幅

碑文二張

杏山碑文一張

道光十年奉到

御製巡幸盛京詩一部

書籍則例

自嘉慶十九年至同治七年奉到

繙譯大學衍義

繙譯孝經

中樞政考

滿大清會典

滿會典則例

漢大清會典

漢會典則例

滿八旗則例

漢八旗則例

宗人府則例

滿吏部則例

滿兵部則例

漢戶部則例

清文鑑

四體清文鑑

舊清語

卷一

三

六五

--	--	--	--	--	--	--	--

